



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Abbati Et Conventvi sancti Vedasti.

**urn:nbn:de:hbz:466:1-20006**

dam procurationem vix modò quatuor marchæ sufficerent, quæ pro una sufficierter fieri consuevit. Ut igitur per apostolicae sollicitudinis curam vestris possit in parte ista gravaminibus provideri, auctoritate præsentium vobis indulgemus, ne ultra primam mensuram in procuratione ipsa sitis ulterius prædictis fratribus obligati, sed expensis illis quæ sufficere consueverant sint contenti, nisi forte facultates Ecclesiæ vestre in tantum extreverint, quod sine gravamine, ampliato fratrum numero, ad solvendum debitum procurandi extendi possit quantitas expensarum. Nulli ergo &c. Datum ut suprà.

*ABBATI ET CONVENTVI  
sancti Vedasti.*

*Epist. 136.  
Statuta & laudabiles cœnobij istius consuetudines Pontificis confirmatae & approbatæ.*

**C**um à nobis petitur &c. usque vestris postulationibus inclinati, rationabiles consuetudines Ecclesiæ vestre à bona memoria P. sancti Grisogoni Presbytero Cardin. tunc Legato sedis apostolicae approbaras, & per M. quondam Abbatem sancti Vedasti de consilio majoris & senioris partiis Capituli redatas in scriptis, & tam sigilli ipsius quam Card. ejusdem munimine roboratas, auctoritate apostolica confirmamus, & præsentis scripti pagina communimus; inhibentes ne vel tu, fili Abbas, vel tuorum quilibet successorum contra eas temerè veniat, nec vos, filii monachi, contravenient aliquatenus pareatis. Adjicimus etiam ut, sicut in instrumento earundem consuetudinum continetur, curias & domos Obedientiarum, in quibus monachi consueverunt haec tenus ministrare, nunquam ulli laico sub quoque censu temerè concedere præsumatis, sed tam res Ecclesiæ vestre quam Obedientiarum ipsius per fratres vestros & monachos custodiantur, & fideliter pertractentur. Ad hæc, auctoritate vobis apostolica districtiū interdicimus, ne obventiones caritatum, annuos etiam redditus refectioni fratrum & pauperum in anniversariis deputatos, in alios usus, nisi evidens Ecclesiæ necessitas vel utilitas exigat, præter communem assensum vel majoris partis consilij senioris aliquatenus convertatis; sed tam dictæ obventiones, quam & redditus ipsi, per Priorem & monachos, quos Capitulum ad hoc deputaverit, fideliter reserventur. Nulli

ergo &c. Datum Romæ apud sanctum Petrum 11. Nonas Maij.

*GERARDO ABBATI  
& Conventui Virziliacensi.*

**Q**uamvis universa loca religiosa fore ac diligere teneamur, illis tamen propensiore curam impendere nos oportet quæ specialiter beati Petri juris existunt, & ad nostram nullo mediante provisionem pertinent & tutelam. Inde est quod nos jura monasterij vestri volentes integra conservari, & contra molestationes indebitas vos & idem monasterium speciali communire privilegio libertatis, ad exemplar felicis memoriae Urbani, Clementis, & Celestini prædecessorum nostrorum, auctoritate apostolica prohibemus, ne illus omnino Archiepiscopus, Episcopus, aut aliis Ecclesiæ Prælatus, nisi de speciali mandato Romani Pontificis vel Legati ab ipsis latere destinati, in monasterium ipsum, Abbatem, vel aliquem fratrum vestrorum interdicti, suspensionsis, vel excommunicationis sententiam promulgare præsumat. quod si fecerit, eam decernimus non tenere. Libertates præterea & immunitates & rationabiles ejusdem monasterij consuetudines haec tenus observatas, tam in animalium cura Presbyteris Ecclesiæ Virziliaci, Asconij, sancti Petri, Castris insulae, & Monterione committenda, & contrahendis matrimonii, & legitimè dirimendis, & excommunicandis, vel absolvendis, suspendendis, destituentibus, & restituendis Presbyteris, Clericis, & parochianis Ecclesiæ illarum, quam in aliis negotiis & sacramentis ecclesiasticis, ratas esse decernimus, & eas auctoritate apostolica vobis vestrisque successoribus confirmamus; districtiū prohibentes, ne quis possessiones, iura, vel bona prædicti monasterij præter conscientiam sedis apostolice, cui specialiter est subiectum, quomodolibet alienare, vel antiquas & rationabiles ejusdem monasterij consuetudines, & haec tenus observatas, violare præsumat. quod si quoquam fuerit attentatum, omnino statuimus irritandum. Adjicimus etiam, ut si Ecclesiæ Prælati à vobis canonicè tertio requisisti, manifestos malefactors vestros interdicere & excommunicare neglexerint, licitum sit vobis & successoribus vestris, ut eos candelis

*Epist. 137.  
Veteres consuetudines laudabiles approbar, & nova in privilegia confer.*